

國民

桐梓縣志

國民

桐梓縣志

國民

桐梓縣志

民國·李世祚 修

猶海龍 等纂

民國十九年鉛印本

四十九卷

序

漢健爲初治營縣後置牂牁乃改隸牂牁地理志營有不狼山不狼音轉爲婁卽今桐梓之婁山桐梓本營地信而有徵以孝武雄才大略當時特取爲郡治是其山川風物必有超越要荒之表著磅礴鬱積久而發舒然則桐梓之增進文明人才蔚起成南服重要之區非偶然也六代時中原多故文獻消沉暨之存否史缺無考隋唐統一復設州郡而漆溪播川屬縣如榮懿扶歡各地增益頗多不僅復漢時之舊又加廣焉良以鄰接巴蜀只隔一衣帶水文化易於灌輸較諸全黔邊境西連六詔南通百粵東走五溪者地勢形便大有不同宋元雖仍唐舊而置南平軍立鼎山縣亦頗有因革迨楊端之後漸大設學選工典章文物燦然可觀趙高峯以太守起家著有詩集與姚合後

桐梓縣志卷一

序

一 桐梓縣志

先輝映猶道明趙炎卯亦以進士聞於朝明萬歷中削平移日改土歸流桐梓始著縣名然考歷古以來所謂營也珍州也播川也漆溪也榮懿扶歡也南平鼎山也皆卽爲桐梓縣地漸摩涵濡於禮教範圍者至深且久乃一方志乘紀載無聞承學之士欲原本山川極命草木略無憑借之資寧非憾事有清初年鄉先生李冀一創修縣志略具規模康熙中縣官邱仲胆據以重修邑中風土人物始得所總匯而原書已佚難尋舊本光緒中縣令何宗翰復修篇帙寥寥挂一漏萬未足鑒閱者之心旋卽廢棄惟道光時鄭子尹先生以郡中名宿成還義府志四十八卷搜羅賅備爲海內志書之冠桐梓屬於邊疆得借以發皇幽暗入學士大夫之品題本邑趙石知先生其時專任桐梓縣搜採所錄較他縣爲詳並因此著桐梓一書

尹先生爲之序

桐梓縣志卷一

序

二 桐梓縣志

本僅存足資考據民國肇興府制撤廢概以縣爲標目桐梓在歷史地理上無愧與區神皋故列爲上縣而獨立之志尙付闕如如非所以光啓邊方宣揚文教也前省主席兼軍長周公西成起自斯邑平定黔亂庶政之暇念土物心誠之義甚欲勒成一書爲各縣倡爰命馬空凡韓原熙傅長民劉以莊謝薰陶岳德炳諸君在省籌備一切並以猶鍾涵侯滄帆趙綬卿諸君專司纂輯飭縣政府李縣長世祚設局函請蕭逸濱君總理局務余炳章君協助之派員分區採訪積一年有餘成書過半會省垣變起未竣厥功以縣人繼周公治黔慨時勢遷移失今不圖後將誰任仍囑諸君子度續進行於今冬全功告厥趙君攜稿至省余復詳加審核取材宏富樹義正大凡爲總綱十門各附子目並文徵雜記都四十九卷條分縷晰洋洋大觀邊縣得此良非易易亦以前哲苦心殫見洽聞立斯基礎因而能發輝光大則採訪纂修諸人之力居多方今訓政伊始國府通令各省纂輯方志黔中八十餘縣有志者僅十之一二得桐梓爲先路之導將來各縣陸續修成合之卽爲省志豈非吾黔盛事乎惜乎志雖脫稿周公竟不及見而追維周公始事之功與任人之善則當與此書並垂不朽也已

中華民國十八年十二月下浣貴州省主席兼二十五軍軍長毛光翔序於省政府

序

專維志同史乘跡近邇書今之所以稽古後之所以觀前足以垂鑒戒而明得失決至良意至美也但古人成書必有因藉龍門旁取世本涑水先彙長編庶一變之辨可尋三豕之疑無謬若夫艸創編纂唯自採擷而欲勒成一書以昭來許曷乎難矣吾邑古名珍州原屬川境有清初葉始歸黔治唐蒙謫仙均有故跡而涑水虎峯環抱縣城靈秀所鍾代生英傑文如清趙石知輩與鄭莫同負詩名武如前主席周公繼斌尤屬前無古人後無來者第以天災時變典籍淪亡風俗沿革掌故闕略繼公文獻無徵數典忘祖於訓政之餘召集文人創修縣志手定類例始立條規徵石室之遺文訪夜郎之軼事彰前傳後甚盛舉也不圖斯文天喪星殞變生未覩殺青即歸黃壤幸纂修諸

桐梓縣志卷一

序

三 一 桐梓縣志代印

君追終先志告厥成功都二十冊分爲十二意凡五十餘萬言謬使家烈審查因而叙之自慚絳灌無文亦濫廁名末簡頽頽泚筆榮以爲愧顧余竊有感焉諸君子才兼三長典立五志以左氏之品藻作太史之實錄貫穿經傳經緯古今直覈隱詳成茲典要而繼公撫我黔黎比及三載崔符平靖間閭父安舉凡實業交通教育建設諸要政次第整興不遺餘力洵足以銘竹帛而垂不朽厥功固不僅吾邑也然野老遺民扶杖輟耕於豆蔡瓜架間如白頭宮娥談天寶遺事輒屈指而數曰此周公之建設也此周公之德政也吾知若干年後續茲志者必採繼公之偉業豐功而筆之於書也悲夫居諸不待轉眼陳跡靜言思之能不黯然爰綴數語用弁卷端述往思來其亦發憤自勵之道也夫

中華民國十八年十二月吉日國民革命軍第二十五軍副軍
長兼討逆軍指揮王家烈序於湘西雄溪軍次

桐梓縣志卷一

桐梓縣志序

吾華分省二十有一而黔居一焉黔之爲縣八十有一而吾桐以百里大邑屏翰北藩近衛筑垣遠拱京師關連全局備列職方山川阨塞戶口多寡之數民情士習風土物產之宜因革損益變易遷流蓋未可畧而不論者也溯自平成底定毒害消亡安處常甯一統無外夜郎之所治唐蒙之所通大漢之所經營有明之所建置繁乎隱隱具載前志越清道光而降時勢異務變通異宜不及百年諸有移易文獻未徵靡得而詳矣邦人君子怒焉憂之羣相爲謀從事修纂集名宿考遺城網故聞搜軼事罔間寒暑稽合異同類別羣分釐然大備綜邑之疆域沿革形勢古蹟金石人文物產禮制風俗諸大端積成五十萬餘言分編十二卷爲二十本具錄事實以爲文章詳覈博雅信有以

桐梓縣志卷一

序

五

遠追前軌者矣稿既定諸君子不以絳灌無文見棄而殷然以審查之役相屬戎行餘暇往復披稽熟而玩之詳而審之諸所記述博引旁徵非足迹之所嘗經卽見聞之所曾及潛思默考宛復身在魁山漆水間既嘆觀止未贊一辭夫志之爲道崇實黜華如計簿然家常田宅財貨之積日用蔬粟酒肉油鹽服御之微苟有出入皆所登記多張空簿則是自欺而欺人者也斯志也得諸君子勤勞其事實有司總攬其成章明翔實典雅宏通上之則一統國志之取材次之則吾黔通志之分體後生小子得而讀之庶知吾邑文物聲名于斯爲盛以長養其敬恭桑梓之德而啓發其懷鄉愛國之忱昭茲來許利賴實多既經省府審定付梓有日矣謹爲之序以俟來者

中華民國十有八年十二月下浣猶國才題于習安軍次

創修桐梓縣志序

夫郡邑之有志槩所以紀載山川風物之勝概文治武功之盛軌忠孝節義之遺徵以供輅軒之採而備掌故之稽使在上者考物辨性旌別淑慝爾雅於古潤澤於今以惇勸民行而咸和庶政是以一鄉一邑必有志其重要者其關係與國史同矧自環球大通新機日辟角智門力雲詭波詭苟闕焉而不誌誌焉而不詳將何以爲問俗觀風之一助哉吾桐舊爲西南夷境秦屬漢夜郎晉唐以下或州或縣廢置靡定明萬曆中葉始正名桐梓隸四川清雍正七年撥歸貴州地當川黔之衝九疊鑿其前婁山躡其後爲古來用武所必爭登虎峰巔巖諸山俯瞰城郭萬家烟火鱗次櫛比帶水襟河阡陌如雲達人賢士代有傳者過太白之亭弔竹郎之墓覽古流連不禁感慨係之退而假

桐梓縣志卷一

序

六

求文獻搜羅軼事則無典籍爲之紀述使人文名物漸就漸滅而無所考證余滋憾焉民國七年戊午道彬謬綰軍符戍守湘西治兵之暇卽思致力於此擬募千金爲修纂費恆與周故主席繼公暨同鄉諸君子討論商榷均欣然贊許欲從事矣旋值滇軍之唐黔軍之袁先後入黔政潮澎湃干戈擾攘寇盜充斥省縣殘破余亦周旋於戎馬之間靡有甯息迴視吾鄉受禍尤烈父老昆季相率遠徙兵燹之餘繼以饑饉道殣相望壯者四散避災就食之不暇何修志之足云泊周公入主黔政甫及期年政通人和百廢俱興地方官紳乃相與設局提倡延聘學者分門編輯經十有餘月而書成鴻篇巨製蔚然成帙使山川靈秀建置沿革與夫孝子悌弟節婦貞婦幽人畸士之芳烈流風歷千百載而聲光不泯且使官紳士者於民俗之淳樸政治之

得失風教之隆替閭閻之盛衰得以因革損益斟酌其間乘時建功期成邇治豈不懿歟余喜是編之聿觀厥成而隱償十年前之夙願亟弁數言以告來者神而明之擴而充之則此編正後來之嚆矢矣乎

中華民國十八年己巳十二月下浣邑人不諳黃道彬謹序

創修桐梓縣志序

間嘗北走幽燕東經秦岱西過秦晉南浮江淮於山則華嶽之高於川則河海之大於形勝則潼關劍閣之險於人文則江南風物之美瑰璋奇特接於目而印於心可謂天下之大觀也進而訪其耆老讀其志乘舉凡山川地利風俗土物忠孝節義與夫歷代建制沿革或張或弛為隆為替靡不筆之於書垂為典章以備輶軒之採如陸清獻之靈壽李兆洛之鳳臺魯通甫之邳州諸志皆卓卓可傳然則疆域之廣狹民俗之淳澆政治之得失利弊不有借鏡何以為因革損益之資不有觀摩何以收變通化裁之妙是故古者士訓詁地圖誦訓道方志以觀民風以作地俗匪惟作志之權輿亦使守土者考物辨性旌別淑慝以盡飲食教誨之責而躋庶政於懿美豈第抒寫情景狀山水

人物之秀供後人之瀏覽吟詠哉矧今新機日啓法制百變角勇門智波瀾雲詭因時記載將有志不勝志者又豈膠柱鼓瑟為小儒拘墟之見可以盡中外之能事哉志之關係既重且要則修之不容稍緩也明矣桐梓古為西南夷境秦漢屬夜郎魏晉因之唐宋以後或置漆州或改播川興廢不常旋設旋罷明洪武六年以縣地析置播川桐梓松坎三驛桐之名自此始萬曆二十九年立縣屬之川清雍正七年改隸貴州遵義府自萬曆迄今更數百年中經兵事之擾攘強梁之割據盜賊之蹂躪災荒水患之廼旋存亡絕續時移勢異遐思瞻曩慨然太息欲問其事而遺老盡矣丙寅之冬余奉省長周公命來宰是邦暇則步鼎山尋漆流南望關英雄用武之地思昔人之偉烈猶凜凜有生氣北顧松江帆檣上下庶矣哉蔥蔥鬱鬱然東訪魁

崖崎人逸士棲寄之所其流風餘韻猶有存者西陲虎率以郭在百萬家烟火鱗次櫛比富庶之風洋溢乎四境而山巒之磅礴風氣之敦厚文學武功日趨盛軌豪傑英俊之輩接踵而起大名鼎鼎業聞於西南尤非僻壤所可及獨志乘付之闕如余滋憾焉每與邦人士談欲創修之而邑中能文之士皆宦於外財又無所出恆戚戚於心殆有志而未逮近一載矣越戊辰桐紳之留筑者相與籌畫經費督察採訪余乃設局以纂聘猶君鏡涵趙君綬卿侯君滄帆王君在田分任編輯而以熊君逸瀕余君炳章總理局務起民國十七年戊辰七月訖民國十八年己巳十二月經十有八月而書成網羅新舊條分縷晰參補修訂纖悉靡遺於序可謂盛矣考桐梓向非無志康熙二十五年邑令賈國樞因太守孫公郡志之舊輯爲草志二卷出邑孝廉李

晉之手雍正五年邱令仲昭又於採呈通志之餘屏綴纂修賈志無存邱志亦簡畧不備道光辛丑莫友之鄭子尹兩徵君修遵義府志體製雅潔考據詳贍實駕靈壽鳳臺邛州諸志而上之尤爲舉世所傳誦桐梓雖附麗於編然不過舉其犖犖大者逮今又六七十年矣迨同光間凌令彝銘何令宗輪復先後紀纂俱未刊行是桐梓今日之志非因實創雖經政局之變全書竟以告成豈非在事諸君子勤於其職又豪彥勝流襄贊進行而後有此巨帙宏篇哉豈非孝子悌弟幽人烈士節婦貞女艱苦感泣在天之靈有以呵護而默成之哉今者訓政伊始建設方殷桐當川黔之衝黔又爲第一之省後之來者乎此一編觀於土地之荒蕪富思何以闢之貧民之生計思何以植之物產之殷繁富思何以作之以改遷農切風化擴充文教

開闢利源於以揚先詰之微迪靈明之智將來文治武烈之盛必有邁於今日而與名都大邑作魯衛者不禁賦予望之固不僅爲觀風之一助也已
中華民國十有八年己巳冬知桐梓縣事蜀南翰仙李世祚撰

序

在昔保章辨楚迺嬭圖經鄧侯入關先收秦籍故丞相張禹而使朱貢司空裴秀復注夏書以至太康元嘉並飭記牒九域十道備極句稽典在冊府婉乎職方卓哉煌煌義誠要已若夫郡縣之志權輿於斯徵諸漢法亦重史官聞之近儒視同國乘由唐而降作者輩出吳郡臨安稱於宋武功朝邑著於明古香古色可喜可觀沿及近代涇縣三水北江與淵如齊名汾州偃師東原共虛谷競美他若陸志邨城董志懷遠周志廣廉章志天門莫不典贍有法精覈切用而貴州遵義一志撰自鄧莫文辭爾雅堪追遺範於方姚考據淹通足紹絕學於顧李不特山川耀其光輝抑亦閭里增其聲價者焉桐梓界居黔北壤接蜀東唐置涪州之郡宋標播川之名問葦路於當年遠邇青齊之富

桐梓縣志 卷一

序

十一

庶稱要區於今日洵當赤紫之衝繁溯自明神宗創建以來清世廟改隸而後文化已蒸蒸日上邑乘獨落落弗聞雖省志間有搜求而神龍莫測萬變府志亦嘗甄采而全豹僅窺一斑論世者多夏五之疑考古者乏冬三之用是豈作志難史集恐陷於醴陵遂爾秉筆無人記莫續乎寰宇不其惑歟且夫蠻烟瘴雨之鄉朔雪炎風之地時有著錄勒為專書矧乃境當孔道地匪遐陬壤土半屬膏腴氣候尤稱溫淑抱城而一水潏洄護田綠繞環郭而萬山盤鬱排闥青多橋平隱齒桃花夾岸以爭妍路闢羊腸柳影隨車而送遠謁竹王之墓緬壯志於雄風遊太白之亭話愁心於明月北顧巖巖更饒勝概南來問渡倘錫嘉名詠倚樓之妙句家學遠紹於唐賢撫治劇之宏規祠祀早隆於桂嶺登婁峯而左右顧巡濠溪以溯洄從覓今昔之聲明文

物擅進者固有開之必先而山川之磅礴扶輿繼起者更方與

之未艾脫無紀纂胡備參稽重以刳造紅羊禍延青嶺帛書置於魚目妖譏騰於狐火未免里生荆杞社散榆枌瑾瑜共砥硤同盡文獻偕氣稜以亡劉安枕中之秘半填委於泥沙杜林挾持之編多湮覆於瓊壁此而零縑斷簡不汲汲以蒐羅將母蔓草荒煙遂茫茫而長逝前親往古後諱方來遐想寂寥可為太息光自戊辰春奉命佐治桐署初司訟獄繼掌簿書適值兵燹之餘深抱材幹之懼李公翰仙縣長以蜀南名士作黔北宰官才識冠絕乎龔黃德行堪追乎召杜純儒良吏政通人和求之近今未易多得暇與之搜集掌故稱述前聞憾杞宋之無徵恐郊郛之就下商同設局創修縣志聘熊逸瀨余炳章兩先生為總協理猶鏡涵侯滄帆趙綬青二先生為編纂而前省主席

桐梓縣志 卷一

序

十一

周公今省主席毛公副軍長王公暨師長黃猶侯諸公以及留筑諸紳相繼捐廉為局中經費使元和郡縣之志復再見於今茲重陽耆舊之編賴紀存於簡策而鳳鳴山高大業得與日星而並耀龍蟠洞古英雄不隨濁浪以俱淘蓋甚盛意也爾乃舉例發凡肇端創始與圖曉展典籍宵陳金壺流翠墨之香鎮網貯紅珊之影西州片札辨點漆於將磨南雍殘文檢穿絲於已斷竹編未朽名認師春瓠本猶獲藁存班固爬羅散佚等搜諸玉枕石函量度華離均寫以螺丸繭紙事必稽其實循文防誤於樹萱詞惟取其詳求益非同于市菜制繁以簡文奚羨萬七千篇能勸迺精月常得四十五日不必百夫決拾自爾一質成山顯著胸臆博甄密摺覽之而足審變更察之而足明要害考之而念世事之廢興靡定觀之而思人物之利弊匪輕重萃羣

言包羅萬有信乎淮南之作備具衆言而呂覽之修不同凡響也已元小言何補大嚼未遑問水端而罔測研宙合以難窺名山可寄敢云提倡宗風慧海同搜竊幸躬逢哲匠喜精錄之在望一篇愧十匹以酬知華贖之爭緇三品列兩廂並重說罷而周行示我彪志庶幾其等倫書成而風雨懷人羊石更深其感慨今上年修志時而此志已不見於志其爲注意

中華民國十八年歲己巳桐梓縣政府科長古筑楊芝光謹序

桐梓縣志

卷一

序

十三

桐梓縣志序

周官小史掌邦之志論者謂卽今之府州志顧其書眞僞難知未足爲據惟晉常璩華陽國志紀巴蜀一域具有史裁實爲後世地志之所始迨後府州縣志蔚然繁興下而名山古剎勝地要區亦泐專帙於是讀者坐手一編不難盡悉其地域之廣袤戶口之疎稠稅則之得失建置之沿革政教之隆污人文之興替物產之豐嗇風俗之醇醜與夫山川之雄奇景物之妍麗法良意美非文化駁進之邦其曁能語於斯乎至其編纂之宜斟酌損益章實齊李次青郭筠仙輩論之綦詳可則倣也吾黔則清道光時鄧子尹莫既亭兩先生共修遵義府志體例之完善紀載之翔實論者推爲海內志書之最黔乃爲邦人所重視然則地志之興廢其關係顧不大哉吾邑在漢爲黔縣地歷六朝

桐梓縣志

卷一

序

十四

多故興廢不可考隋唐而後復設州郡爲榮懿扶歡夜郎等縣載在史籍宋爲播州明屬播州長官追萬曆中削平楊氏復置縣乃名以舊縣名卽桐梓今名之始溯自漢置縣於今二千餘年朝代迭更賴前人之經營啓發漸摩涵濡之餘文明孕育人材輩起早臻於禮教之治宜有美備之地志矣顧一方志乘紀載久缺僅乃於清康熙間有賈志二卷旋經散佚雍正時續成邱志一叙僅存至道光時續修府志邑人趙石知先生因集探得以編桐梓僅存孤本自後同治間及民國初元一再續修均訪所未集事而吾邑自改革後府治撤廢已屹爲大縣尙無專志府志縱備桐僅附庸非所以昭著始末垂示來茲也況夫世運演進寰球大通推遷既多容舊體之未備簡畧過甚更往迹之難詳今幸耆老猶存舊聞未墜誠宜及時纂錄廣事搜羅事

例須加揚權編輯不主因襲或用統計以補圖表之不逮或增門類以劑體制之空疏或參測量以補舊法之簡陋則實書未淪逸編可補庶可繼往開來信今傳後也然則縣志纂修不可須臾緩也明矣民國十五年前軍長兼省主席周公繼斌主貽政百工皆興民物安阜越明年予適歸自滬上慨夫邑乘之闕如也因共商從事興修與馬空凡謝薰陶韓原熙岳德炳劉以莊諸君在省籌備聘猶鏡涵侯滄帆趙綬卿諸君專司纂輯遂於十七年夏設局督修爲予復謬承推任總理而余炳章助之愧予東西奔馳席不暇暖未克操觚其間多所裨補賴首倡諸君子勤事蒐討合力以赴逾歷數月而倡纂始紆又數月而坯型猶具忽值滇李入黔功虧一簣迨今軍長兼主席毛公羣麟則平大亂治具畢張闢心文獻捐廉補充乃得廣續前功綴輯

桐梓縣志卷一

十五

未竟迄于今冬全書告成以付剞劂計爲總綱十門各附子目並文徵雜記凡四十九卷雖不足與海內著名之志書媲美爭光然今後邦人士徵文考獻欲知吾邑地域之廣袤戶口之疏稠稅則之得失建置之沿革政教之隆污人文之興替物產之豐尚風俗之醇醜以及山川之奇秀景物之妍麗者庶可按圖而索如示諸掌矣殆亦儕于文化邦域之郡邑所有事乎是爲序

中華民國十八年十二月下澣邑人熊逸濱序

序

邑志猶國史也國史則設有專司歷朝相因載在官制非人莫屬故能代有成書傳之奔輿使後之人曉然于數千年政治之得失風俗之隆替人材之盛衰建置之沿革典章文物燦然具備誠宏製已邑之有志曷獨不然雖廣狹之義懸殊而體例則一也夫志者誌也所以誌一邑之掌故而昭茲來許也尋凡疆域山川職官人物名蹟物產以及前人之豐功偉業先達之嘉言懿行不有以誌之閱數十寒暑即將由沉寂而漸歸湮滅雖有後賢篤思纂輯而文獻無徵末由依據老成凋謝何所諮詢亦終于擱筆太息引爲遺憾而已吾桐志書明萬曆時鄭先輩李翼一先生創修於前清康熙間知縣賈國樞邱仲阻二令續修于後今皆無存同光時知縣凌彝銘何宗翰二令先後續修

桐梓縣志卷一

序

十六

簡畧遺漏不足言志亦未刊行惟道光中鄭榮翁莫昀叟二先生修遵義府志邑紳趙石知先生爲本邑採訪員本其所得著爲桐筌今亦僅存孤本吾桐掌故斯爲碩果矣空凡於此竊有感焉夫修志非著書比也可以匠心獨運虛構成篇欲顯微而闡幽必窮源而竟委吾邑之志若李若賈若邱凌何各志既皆失傳其可據以爲引證者祇此孤本桐筌耳但人事靡常變遷莫測設此孤本不幸佚失卽永無根據之書矣此時之不可失者也修志之事未可濫竿非得通人宿儒分任編纂不足以盡著述之美歷閱者之心邑紳侯滄帆趙綬卿猶鏡涵王在田令狐輝荃諸先生學有根抵物望所歸現皆家居與言修志諒有同情過此以往恐不免有才難之嘆矣失此不圖後難爲繼邑志興修事焉能已特先將此意而陳於前主席周公繼斌取決

決行止亟蒙嘉許乃商之熊逸濱江佩璣王紹武猶用僱畢潤華韓原熙傅長民劉以莊謝薰陶趙文麟岳德炳諸公並致函邑中諸君子均得其贊同爰請周公令飭縣長李瀚仙設局督修派員採訪惟事當經始財用自繁平日既未儲存臨時何從挹注空凡復與熊君逸濱廣爲勸募獲資以濟不謂鉅變忽生半途而廢以竭盡心力而始成之局一朝停輟惋惜者久之未幾今主席毛公羣麟入主黔政空凡復以爲言蒙慨捐稿俸一千元囑亟從事續修於是志局閉而復開各員散而復聚譬之已萎之卉得雨露而滋榮焉然晨夕之灌溉又烏可怠也空凡仍隨時募捐滙寄使費用不感缺乏閱十有八月而成書用款二千六百餘元實始願之所不及謂非諸君辦事之勤敏與捐助之慷慨烏能如是乎爰舉創修之緣起以弁於首至於搜羅

桐梓縣志

卷一

序

十七

之宏富紀載之翔實棄取之精當諸公叙中已詳言之故不贅
中華民國十八年十二月下浣邑人馬空凡謹叙於貴州財政廳

桐梓縣志緣起

竊以秦漢夜郎久無圖考健莊封域俱屬蠻荒桐梓在萬歷以前未建縣城何有於志至清康熙二十五年賈令國樞因太守孫公郡志之舊輯成草志二卷雍正五年邱令仲咀又於採呈通志之餘廣續而纂修之今賈志寔字無存邱志僅餘一序而已至道光辛丑鄉先輩趙氏石知充府志採訪員卽舊稿編爲桐荃同治初凌令彝銘亦有志稿今皆未之見也石知子彝憑於光緒中年應聘纂輯亦未刊行民國三年續修府志五年續修通志經邑紳侯樹濤譚鈞陶兩次採訪奈戎馬倉皇省府兩志均未出板濟蒙渡而登婁山變武蠻而爲文化昔時杞宋文獻無徵是猶欲登山而塞足欲渡水而焚舟也幸周前省長入主黔政提綱絜領百度維新桐雖邊邑桑梓所關卽宜採風以

桐梓縣志

卷一

序

十八

襄盛舉適值今軍長毛公由赤晉省同鄉諸君子以縣志之急難緩待也商請作主一會議於黔靈山再會議於縣公館擬卽設局創修以成曠典嗣因援滇之役出發在卽故未果行茲者王黃熊猶各巨公先後歸還各助重金首爲之倡同鄉各文武又皆舒財仗義以集其成縣長李公乃轉詳省政府立案備查於是延聘宿舊規定章程設局泮宮草創伊始夫桐梓自同治癸亥號匪陷城次年甲子城復被陷咸同以前之掌故蕩然無存也越至民國兵匪交乘官舍民居肆行焚掠咸同以後之典章又泯然漸滅也舉千百年之廢典得全體人之贊成前觀往古後顧來今千載一時胡容再續雖然修志難矣而修志於迭經兵燹之餘則尤難昔孫知府敏政有云考核不真則失之誣紀載不悉則失之遺又或不采之與見公論而妄以私意率合

附會則失之誕今日者給紳先生凋零已久將欲彰往詔來試問鼎山故城播川舊縣尚有流風否乎夜溪石剝南平園經尚有遺跡否乎溯未平播之先迄改土歸流之後頭緒紛披殊難著手幸趙君綬卿王君在田大力鼎助始克成篇自維蠡管在抱事實未詳倘有誣者遺者誕者惟盡其所見所聞而已或倖而不誣不遺不誕亦惟盡其所見所聞而已後之君子苟卽草創而討論之且修飾之更潤色之抑又幸矣

民國十八年己巳猶海龍謹識

序

戊辰歲雋守宛澗之三年倦而思書三上不獲進通同鄉人士在筑會商修輯縣志公推已孝廉猶君鏡涵學博侯師澹帆謝君寶箴協修之旋以謝君新宰餘慶因爲調雋之請奉前省主席周公函諭速清經手贊襄盛舉時猶君先錦旋同邑宰李公翰仙總理熊君逸瀕余君炳章襄校王君在田令狐君暉荃於六月中設局始事雋聞命之下終夜徬徨自念修志何等事古人所謂難也舊傳賈志邱志凌志草本一無所見何志未臻完善昔睹鈔本尤多亥豕魯魚至先朝憲典新邦政令兩遭賊火隻字無存現在老成彫謝典籍淪亡士夫遠遊學子他適殆所謂前不見古人後不見來者今日而修吾桐縣志則尤難也雋也廢書曠學幾三十年半解一知早銷磨於蜀水黔山衣奔

食走猶君侯師學植根抵望重士林碩果僅存允稱斲輪老手際茲絕續之交設不及時修葺此後尤難之難也然以雋驛則其間涇渭同流瑕瑜在璧是猶以黃茅白蒿雜諸異卉名葩土飯塵羹列於山珍海錯其可乎庸陋之忱推卸雖有不能應命實有未敢八月解組來省兩謁繼公均奉溫諭速我回車且易以鄭重黃羅短期畢事雋語猶豫當以梓桑文獻相責義正詞嚴雋不獲辭一再向侯師商榷於九月返里復准仙縣長聘晤猶君於泮宮着手已有端倪徵集尙無報命試想上下五千年縱橫數百里可紀事實顯晦不一巨細紛繁必須全部在懷先分綱而紀目並起例以發凡庶分類歸納不虞散漫屬辭比事秩序謹嚴如工程師建築方式必先繪具圖說然後依式進行猶君曰唯唯有是言規畫部署事豫則立矩矱衆長斟若

畫一起日以目錄凡例相示並同王君在田先後蒐獲各新舊志書志稿私家記事各草本暨各區採訪函復者雖記載不盡雅馴或採取無當或多不得要領然觀摩有自編輯有資絲是提綱絜領分道揚鑣引證經史旁搜子集參訪耆老諮詢鄉人以及庭訓故聞牛生踐履所得者網羅抉擇按彙疏附事迹惟求翔實辭之工拙弗計焉約六閱月月又年己巳三十一月編纂方半政變忽聞一時謠傳險狀咄咄逼人草創因之中輟夫以桐志四修而不成茲又中道停止桐志之厄果有數乎是又難也七月既望得馬廳長空凡書轉奉今省座毛公函諭催事續修並捐千元以助經費乃僭猶君再擁管城且編且訪伏案面壁繼晷焚膏知人論世善善從長雪夜霜晨賈其餘勇又約六閱月十八年十月十一稿乃脫庚午春初急事整理更得侯師榮旋修

桐梓縣志卷一

序

二

節猶審分別部居次第詳徵力求實在相與參互考訂兩度月圓乃蒞成事適傷赴省中友人函約邑官紳同囑載書以行就便進呈蒞省先會集衆同鄉於銀行大致省覽略有剪裁繼而政府及當事諸君共聘楊顧問覃生爲之再審又使雋服檢校役兼備諮詢楊君披覽一周若體例若綱目分合裁益筆削謹嚴語病文疵悉予刪剔由二十二本核存二十本雋即奉令守都勻全書交由籌備員傅長民諸君進呈省府釐定嗣奉指令開呈悉送到桐梓縣志稿二十本取材宏富樹義正大大部分班列條理秩然披閱之餘無任嘉慰除題簽並爲之序外其字句間有應行刪改者亦經審核飭承分別粘簽至事例雖與部章稍有不合但原稿纂修在十八年部章未頒行以前應准照舊刊行以副地方先達闡懷里乘之初意合將原稿發還希於簽

出之點查酌修正從速付印一俟印就仍檢一部呈府備查此令計發還原稿二十本等因奉此籌備諸君正謀付局排印間雋復請假返省單生楊君暨空凡廳長再三促雋分神校對以省譌錯雋又協同漢初處長以莊園長昕夕校讐對讀全文訂正字句丹鉛塗抹不厭求詳居諸幾易而全書始出版若夫辨星分野詰士久管天文一章當日擬不再紀猶君曰否不然在天成象在地成形休徵咎徵尤關人事舊志管載弗苟異同棄取之權付諸審定此天文所以仍列也民國以來政治聿新國事政聞日有變幻英雄時勢事蹟頗多昭昭在人間見方真苟不乘歲時之近按類而甄錄之將事與時湮人隨世往典型云邈若存若亡何以彰往何以詔來均滋咎矣矧束筆乃止編年郡志先有成例此民國十八年間應記事由所以弗遺也其餘

桐梓縣志卷一

序

二

各門因草損益或詳或畧力盡可能時代攸關無庸辭費凡十大綱附以文徵雜記共五十餘萬言成書四十九卷實支洋二千六七百元往日迭經變遷恆苦難成之縣志今日幸告厥成謂非政府諸公之賜也耶間嘗因而論之縣志憲綱也類別多關係宏全縣數千百年之統計也以雋愚腐謬負虛聲勉叨附驥茲事體大撫拾今古何敢輕心但時間短促率爾操觚史有闕文章猶急就斐夷梳剔一次未經遺漏外錯自知不免野甚野史等稗官覆額土苴夫復何疑倘遇有道而就正之幸之甚矣若必執三長七畧以相繩則有待於第二鄭莫也夫謹述經過用補前編

知我罪我責備奚辭趙元雋謹識

桐梓縣志街名

鑒定

國民革命軍第十八路總指揮二十五軍軍長貴州省政府主席

毛光翔

創修

國民革命軍第九路總指揮二十五軍軍長前貴州省政府主席

周西成

審察

國民革命軍第二十五軍副軍長兼湘黔邊區討逆指揮官王家烈

烈

國民革命軍第二十五軍第三師師長兼右翼總指揮猶國才

國民革命軍第二十五軍第五師師長兼後備總司令黃道彬

桐梓縣志卷一 街名

國民革命軍第二十五軍第一師副師長兼川南邊防軍總司令侯之擔

侯之擔

督修

桐梓縣縣長李世祚

總理

國民革命軍第二十五軍黨代表貴州省黨務指導委員龔兆

協理

平越縣縣長余佐南

籌備

貴州財政廳廳長馬天材

前任貴州安撫使劉臨

貴州兵備兩處處長韓元熙

貴州省審計委員會副委員長兼第十八路總指揮部稅要處主任傅長民

曹家溪釐護餉捐局長岳崇傑

纂輯

桐梓縣舉人前任湖南芷江縣縣長猶海龍

撥府歲貢生前任綏陽縣縣長侯樹濤

桐梓縣歲貢生歷任黔西盤縣縣長趙元雋

襲校

桐梓縣歲貢生現任教育局局長王家輔

桐梓縣學增生龔道遠

採訪

遵義中學畢業現充邑高級小學校教員趙炯

桐梓縣志卷一 街名

桐梓縣視學員曠慎絨

貴州高等警察畢業現任教育局文牘猶驥才

前充黔軍第四旅編修曾任湄潭護商所長周仕瀛

分探

桐梓縣第一區區長龔大聲

桐梓縣兩等女學校校長邱瓊

桐梓縣師範傳習所畢業現充高級小學校教員傅世勳

遵義初級師範畢業現充邑第三區區長畢銘棟

遵義初級師範正科畢業杜正揚

遵義中學畢業業杜永貞

桐梓縣第四區區長劉九卿

桐梓縣師範傳習所畢業現充第二初級校長楊如玉

桐梓第五區區長 胡裕昆

桐梓第五區區長 張達賢

綦江縣師範畢業現充邑第五初級校長 猶振遠

桐梓縣第六分區區長 張耿光

桐梓縣第六分區區長 張相甫

桐梓縣第七區區長 張界封

桐梓縣第七分區區長 謝服農

遵義初級師範正科畢業 梁榮第

繪圖

貴州路政局技佐兼桐梓路政分局工程員 廖文欽

遵義中學畢業 龔榮權

膳錄

桐梓縣志 卷一 銜名

遵義中等別科蠶桑學校畢業 徐以瀨

綦江縣高小學校畢業 張集彪

桐梓縣高小學校畢業 猶學香

桐梓縣教育局書記 姜世才

會計

國民革命軍第廿五軍第五師部軍需官 鄧德尊

監印

國民革命軍第二十五軍軍部經理處長 金武細

桐梓縣志目錄

天文志

卷之一

星野

曆度

氣候

祥異

輿地志上

卷之二

輿圖

卷之三

建置

桐梓縣志 卷一 目錄

疆域

輿地志中

卷之四

城垣

衙署

局所

卷之五

壇廟

輿地志下

卷之六

山川

卷之七